



Kalaallit Nunaanni sivisuumik suliffissaaleqisut ornittagassaannik pilersitsisoqarnissaa siunertaralugu periarfissamik iluaqutaanik aamma ajoqutaanik misissuisoqarnissaannik ukiakkut 2020 saqqummiussaqaassasut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens Napätôk', Partii Naleraq)
(Siullermeerneqarnera)

Demokraatit siunnersuuteqarsimasooq qujaffigaat, ingerlaannarli oqassaagut Naalakkersuisut isumaqatigigatsigit oqarmata, matumuuna suliniutinik inuusuttut inersimasullu sulisinnaasut tamarmik suliffittaarnissamut imaluunniit ilinnialernissamut inuunerminni ingerlariaqqiffissaannik tikkuussisinnaasumik saaffiginniffissanik peqareemat.

Inuk peqqitsoq nammineq akisussaaffimmik tiguisariaqarpoq, pisortat ikiorsiissutaannik pisartagaqaannarlunilu innuttaqatiminik pilersorneqarani. Tamanna ilaatigut isumaqarpoq inuit peqqitsut nammineq ilinniagaqarnissartik imaluunniit suliffittaarnissartik akisussaaffigigaat.

Inuusuttulli tamarmik meeqqat atuarfianniik ilinniaqqinnissamut isissutaasinnaasumik soraarummeruteqartanngillat. Tassunga pisooqataarsartunut ilaavoq ilinniartoq ilaqtaminiik avatagiisiminillu meeqqat atuarfiat pitsaasumik angusaqarfiusumik naammassilluarnissaanut tapersorneqarsimannginnerat. Nassuiaatigineqartartoq tassaakkajuttarpoq angajoqqaajusut meeqqaminnik iluamik ikiuisinnannginnerat. Inuttut ajornartorsiuteqarneq imaluunniit ilaqutaasunut atugassarititaasut amingarnerat peqquutaasarpur. Taamaalilluni inuusuttorpasuit meeqqat atuarfiat qimattarpaat amerlasoorujunnik unammilligassaqarlutik.

Naalakkersuisut akissuteqaatiminni eqqaasaattut Naalakkersuisut sulineq pitsaanerulersinniarlugu pilersaarutaanni Majoraq iliuuserineqarsimasuni arlaqartuni ilaavoq, aammalu sulisoqarnerup, ikiuisarnerup, pikkorissarnerullu "Matumik ataasiinnarmik isertarfeqarnermik politikki" isumannaarniarlugu. Tamanna innuttat inuunerminni ingerlariaqqinnissaannut ikiorneqarnissaannut saaffiginniffissaqaqqullugit.

Demokraatit isumaqarput inuit amerlanerit imminut pilersorsinnaanngorsarneranni Majoriaq suliniutaasooq inuit peqqissut sulilernissaanut piginnaalersitsisumillu ilinnialernissaannulluunniit qaffassaanermi sakkussani pingaartuusoq.

Demokraatit inuusuttut akornganni suliffissaaleqinermi unammilligassaasut akiorniarlugit atugassarititaasut nalilersorneqartuassammata isumaqataapput. Taamaammallu pingaruteqarpoq aperinissaq Majoriaq



ilumut sumiiffik eqqortuunersoq inuusuttut suliffissaaleqisut inuunermi ingerlariaqqinnissaannut iliuuseqarfiusussa, taamaalillutik inuulluartaarnerunissaat qulakkeerlugu inuiaqatigiinnullu utimut tuninisinnangortillugit.

Demokraatit nuannaarutigaat Majoriaq massakut nalilersorniarneqalerat. Majoriaq inuusuttunut suliffissaaleqqisunut asuli unittarfittut atorneqassanngilaq, killormulli sumiiffiusaqaq kikkut tamarmik inuunermi ilinniarnermi imaluunniit suliffissarsiornermi ingerlariarnissamut sakkussanik aallerfigisinnaasaat.

Demokraatit tamatumuuna siunnersuut itigartinnissaanut innersuuppaat.